



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Ioannis Ioviani Pontani amorum libri II.**

**Pontano, Giovanni Gioviano**

**Venetiis, 1518**

Tumulus Leontis Tomacelli.

**urn:nbn:de:hbz:466:1-13534**

Quo' decor heu quo' gratus honos, quo' tanta uerustas  
 Quo' nitor ille abiit culta Cicella tuus?  
 Omnia mors rapuit, quæq; & natura Venusq;  
 Contulerant, quæq; ars, heu breuis hora tulit.  
 In cineres heu uersa iaces. uix nomina seruant  
 Saxa tibi, longo post abolenda situ.  
 seu tantum cinis es, seu nil, seu labilis umbra,  
 Siue es in ætherio forma recepta polo,  
 Has uiolas cape, supremos & turis honores  
 Fleta diu nuribus, flenda Cicella uiro.

## MUNDITIANA E PVELLAE.

Munditiana tibi funus peperere Hymenæi.  
 Ipse Hymen luctus, tædæq; & ipse fuit.  
 Te Maiæ primum nuptam uidere Calendæ,  
 Te postrema dies heu male condit humi.  
 Mense malas olim Maio nupsisse puellas  
 Fama est, & Maias omen habere faces.  
 Munditiana tibi est Hymenq; & funera Maius,  
 Et Maius uiolas det tibi, detq; rosas.

LEONTIS TOMACELLI. Marinus  
frater ad sepulcrum queritur.

Quæ Phœbo, quæ nam Aonijs est cura puellis?  
 Phœbe uale, ualeant Aonidesq; tuæ.  
 Opereant herbæq; tuæ, succiq; ualentes,  
 Et pereant cantus, sit sine uoce lyra.  
 Ergo obiit Leon? ah tumulus tegit iste Leonta?  
 Origeant Lauri, syluæq; Phœbe tua.



TVMVLORVM

Arescatq; Helicon, sicut liquor Hippocrenes,  
 Nec tibi sint arcus, nec tibi Phæbe coma.  
 Clamabat puer infelix, succurrite Musæ,  
 Ferte & aquas. o' me Castalis unda iuua,  
 Sed nec Castalides ueniunt ad uota uocata.  
 Nullus Castalio, nullus ab amne liquor.  
 Tabescit sensim frater. sua iura reliquit  
 Natura. O' te te frater amate sequor.  
 Quid frustra ad tumulū quereris Tomacelle, Leonta?  
 Nec tegit hic tumulus. nec cinis est reliquus.

FRANCISCI AELII. VIATOR  
 & Genius colloquuntur.

Quis iacet hoc tumulo? Nullus iacet. hunc sibi uiuus  
 Aelius, hanc statuit post sua fata domum.  
 Cur interq; herbas, interq; uirentia culta,  
 Qua nitet aurata Citria sylua coma? *ut Cypria*  
 Hanc illi syluam Musæ, hos statuere recessus,  
 Quo post umbra suo gaudeat in thalamo.  
 Quid, q' & Assyriū spirant de marmore odores?  
 Quid, q' & Assyrio nardus honore fragrat?  
 Illos assyrijs Charites de collibus, hanc &  
 Detulit Assyria gratia ab usq; plaga.  
 Hoc illi meritum Musæ post fata rependunt.  
 O' scriptor Latia nobilitate lyra.

FRANCISCI PVDERICI  
 ex nobilitate Neapolitana.

Quis sibi, quis tumulum uiuus parat, an' ne sepulcro,  
 Mortem dum metuit, dum cita fata, cauet?